

“O'ZPARTAMPONAJ” АЖ

**Акциядорларининг 2020 йил « 30 » сентябрдаги
умумий йиғилиш қарори билан
«ТАСДИҚЛАНИГАН»
М.Ў.**

**«O`ZPARTAMPONAJ»
aksiyadorlik jamiyatининг**

**«АКЦИЯДОРЛАРНИНГ УМУМИЙ
ЙИҒИЛИШИ ТҮГРИСИДА»ги**

**НИЗОМИ
(ЯНГИ ТАХРИРДА)**

ҚОРОВУЛБОЗОР ТУМАНИ-2020 йил

**«Ўзпартампонаж» акциядорлик жамияти
акциядорлар умумий йиғилиши тұғрисида**
Н И З О М И

I. Умумий коидалар.

1.1. Мазкур Низом «Ўзпартампонаж» акциядорлик жамияти акциядорлари Умумий йиғилиши макомини белгилайди ва унинг ишини, уни ўтказиш ва карорлар қабул килинишини тартибга солади.

1.2. Низом «Акциядорлик жамиятлари ва акциядорларнинг хукукларини химоя килиш тұғрисида»ги Ўзбекистон Республикаси Конунига хамда «Ўзпартампонаж» акциядорлик жамияти Низомига мувофик ишлаб чикилган.

1.3. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт. Акциядорларнинг умумий йиғилишини жамият кузатув кенгашининг раиси, у узрли сабабларга кўра бўлмаган тақдирда эса, жамият кузатув кенгашининг аъзоларидан бири олиб боради.

1.4. Акциядорларнинг йиллик умумий йиғилиши молия йили тугаганидан кейин олти ойдан кечиктирмай ўтказилади. Акциядорларнинг йиллик умумий йиғилишида жамиятнинг кузатув кенгашини ва тафтиш комиссиясини (тафтишчисини) сайлаш тұғрисидаги, шунингдек жамиятнинг йиллик ҳисоботи якка тартибдаги ижроия органи-директор (кейинги ўринларда-директор) ва кузатув кенгашининг жамиятни ривожлантириш стратегиясига эришиш бўйича кўрилаётган чора-тадбирлар тұғрисидаги ҳисоботлари ва бошқа хужжатлари кўриб чиқилади.

Жамиятда акциядорларнинг навбатдаги умумий йиғилиши одатда ҳар йили 20-30 июн кунлари мобайнида ўтказилади.

1.5. Акциядорларнинг йиллик умумий йиғилишидан бошқа ўтказиладиган йиғилишлар навбатдан ташкари йиғилишлар ҳисобланади.

1.6. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати жамиятнинг кузатув кенгashi томонидан белгиланади.

1.7. Акциядорлар, шу жумладан, миноритар акциядорлар овоз беришда уларнинг биргаликдаги позициясини шакллантириш учун акциядорлик битимини тузишга ҳақли.

Миноритар акциядорлар хужжатларни асоссиз равища талаб қилиш ва маҳфий ахборотлар, тижорат сирларини қўллаш йўли билан акциядорлик жамияти директори фаолиятига тўсқинлик қилмаслиги лозим.

Акциядорлик жамияти маблағлари ҳисобидан миноритар акциядорлик қўмитасини таъминлаш харажатини қоплайди (миноритар акциядорлик қўмитаси тузилган тақдирда).

II. Акциядорлар умумий йиғилишиниг ваколатлари

2.1. Акциядорларнинг умумий йиғилиши жамиятнинг юқори бошқарув органидир.

2.2. Акциядорлар умумий йиғилишининг ваколат доирасига қўйидагилар киради:

а) жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;

б) жамиятни қайта ташкил этиш;

в) жамиятни тугатиш, тугатувчини (тугатиш комиссиясини) тайинлаш ҳамда оралиқ ва яқуний тугатиш балансларини тасдиқлаш;

г) жамият кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

д) эълон қилинган акцияларнинг энг кўп миқдорини белгилаш;

е) жамиятнинг устав фондини (устав капиталини) камайтириш;

ж) ўз акцияларини олиш;

з) жамиятнинг ташкилий тузилмасини тасдиқлаш;

и) жамият тафтиш комиссиясининг аъзоларини (тафтишчисини) сайлаш ва уларнинг ваколатларини муддатидан илгари тугатиш, шунингдек тафтиш комиссияси (тафтишчи) тўғрисидаги низомни тасдиқлаш;

к) жамиятнинг йиллик ҳисоботини, шунингдек жамият фаолиятининг асосий йўналишлари ва мақсадидан келиб чиқсан ҳолда жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;

л) жамиятнинг фойдаси ва заарларини тақсимлаш;

м) жамият кузатув кенгашининг ўз ваколат доирасига кирадиган масалалар юзасидан, шу жумладан жамиятни бошқаришга доир қонун хужжатларида белгиланган талабларга риоя этилиши юзасидан ҳисоботини эшитиш;

н) жамият тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан жамиятни молия-хўжалик фаолиятини текшириш якунлари бўйича ҳисобот ва хulosаларини эшитиш;

о) имтиёзли ҳуқуқни қўлламаслик тўғрисида қонун хужжатларида назарда тутилган қарорни қабул қилиш;

п) акциядорлар умумий йиғилишининг регламентини тасдиқлаш;

р) акцияларни майдалаш ва йириклаштириш;

с) қонун хужжатларида белгиланган тартибда жамият томонидан йирик битимлар ва жамиятнинг аффилланган шахслари билан битимлар тузиш тўғрисида қарор қабул қилиш,

т) кундалик хўжалик фаолиятига тегишли бўлган битимларни белгилаш;

у) Шу билан бирга акциядорларнинг умумий йиғилиши ваколати доирасига қуидагилар киради:

- Корпоратив бошқарув кодекси тавсияларига риоя этиш мажбуриятини олиш тўғрисида қарор қабул қилиш ва хабарни ошкор қилиш шаклини тасдиқлаш;

- Жамиятнинг “Акциядорлар умумий йиғилиши тўғрисида”ги, “Кузатув кенгаши тўғрисида”ги, “Тафтиш комиссияси” ёки “Тафтишчи” тўғрисидаги низомларини тасдиқлаш;

- ҳар йили мустақил профессионал ташкилотлар – маслаҳатчиларни жалб қилган ҳолда бизнес-жараёнлар ва лойиҳаларнинг Жамиятнинг ривожланиш мақсадларига мувофиқлиги юзасидан таҳлил ўтказиш тўғрисида қарор қабул қилиш;

- Жамиятнинг жорий хўжалик фаолияти билан боғлиқ битимларни белгилаш;

- ҳомийлик (хайрия) ёки беғараз ёрдам кўрсатиш (олиш) тартиби ва шартларини белгилаш, уларни амалга ошириш ваколатини кузатув кенгашига бериш тўғрисида қарор қабул қилиш;

- электрон почта орқали (электрон рақамли имзо билан тасдиқланган ҳолда), шунингдек, ўз ваколатини вакилга бериш йўли билан овоз бериш ёки умумий йиғилишни видеоконференц-алоқа тарзида ўтказиш тартибини белгилаш (тасдиқлаш);

- саноқ комиссиясига амалий қўмак кўрсатиш ёки унинг функциясини бажариш учун мустақил эксперталарни жалб этиш (масалан, инвестиция маслаҳатчиси ёки қимматли қоғозлар бозорининг бошқа профессионал иштирокчиси) тартибини белгилаш (тасдиқлаш);

- Жамият маблағлари ҳисобидан миноритар акциядорлик қўмитасини сақлаш харажатини қоплаш (миноритар акциядорлик қўмитаси тузилган тақдирда) тартибини белгилаш (тасдиқлаш);

- акциядорларнинг умумий йиғилишида ҳисобот берувчи Жамият бошқарув ва назорат органлари маърузалари (ҳисботлари) шакли ва мазмунига бўлган талабларни, акциядорлар умумий йиғилиши давомийлигини белгилаш;

- Корпоратив бошқарув Кодексда белгиланган бошқа масалаларни ваколат доирасида ҳал этиш.

- Мажбурий аудиторлик текширувни ўтказиш ва СМК, СЙК ва уларнинг жамият фаолиятини якунлари бўйича бажариши ҳисобини текшириш бўйича консалтинг хизматлари учун аудиторлик ташкилотини белгилаш, ушбу ташкилотнинг хизматларига тўланадиган энг кўп хақ миқдори ва у билан шартнома тузиш (шартномани бекор қилиш) тўғрисида қарор қабул қилиш;

- Амалдаги қонунчилик ва мазкур Уставда қўзда тутилган бошқа масалаларни ҳал этиш.

2.3 Акциядорлар умумий йиғилишининг мутлақ ваколатига киритилган масалалар ҳал қилиш учун жамият директорига берилиши мумкин эмас.

Овозга қўйилган масала бўйича акциядорлар умумий йиғилишининг қарори, агар қонун хужжатларида бошқача қоида белгиланмаган бўлса, жамиятнинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қабул қилинади.

Ушбу Низомнинг 2.2. бандининг а, б, в, д, н, с - хат бошиларида кўрсатилган масалалар бўйича қарор акциядорлар умумий йиғилиши томонидан акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинади.

Акциядорларнинг умумий йиғилиши кун тартибига киритилмаган масалалар бўйича қарор қабул қилишга, шунингдек кун тартибига ўзгартишлар киритишга ҳақли эмас.

Овоз бериш якунлари акциядорларнинг овоз бериш ўтказилган умумий йиғилишида ўқиб эшиттирилади, шунингдек акциядорларнинг умумий йиғилиши ёпилгандан кейин овоз бериш якунлари тўғрисидаги ҳисоботни эълон қилиш орқали акциядорлар эътиборига етказилади.

Акциядорларнинг умумий йиғилишида иштирок этиш хуқуқига акциядорларнинг умумий йиғилиши ўтказиладиган санадан уч иш куни олдин шакллантирилган жамият акциядорларининг реестрида қайд этилган акциядорлар эга бўлади.

Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида йигирма бир кундан кечиктирмай, лекин узоғи билан ўттиз кун олдин Корпоратив ахборотнинг ягона порталида, жамиятнинг расмий веб-сайтида ва оммавий ахборот воситаларида эълон қилинади, шунингдек акциядорларга электрон почта орқали юборилади.

Агар акциядор узрли сабабга кўра акциядорларнинг умумий йиғилишида иштирок этмаган ёки бундай қарор қабул қилинишига қарши овоз берган бўлса, у акциядорларнинг умумий йиғилиши томонидан қабул қилинган қарор устидан судга шикоят қилишга ҳақлидир.

ІІІ. УМУМИЙ ЙИҒИЛИШДА КАТНАШИШ ХУҚУКИ, АКЦИЯДОРЛАРНИ ВА УЛАРНИНГ ВАКОЛАТЛИ ВАКИЛЛАРИНИ РУЙХАТДАН ЎТКАЗИШ, ЖАМИЯТ УМУМИЙ ЙИҒИЛИШИДА ИШТИРОК ЭТИШ

3.1 Акциядорларнинг умумий йиғилишида иштирок этиш хуқуқига акциядорларнинг умумий йиғилиши ўтказиладиган санадан уч иш куни олдин шакллантирилган жамият акциядорларининг реестрида қайд этилган акциядорлар эга бўлади.

3.2 Жамият акциядорнинг талабига кўра акциядорга у акциядорларнинг умумий йиғилишини ўтказиш учун шакллантирилган жамият акциядорларининг реестрига киритилганлиги тўғрисида ахборот тақдим этиши шарт.

Жамият акциядорларининг шакллантирилган реестрига ўзгартишлар мазкур реестр тузилган санада унга киритилмай қолган шахсларнинг бузилган хуқуклари тикланган ёки реестрни тузишда йўл қўйилган хатолар тузатилган тақдирдагина қонун хужжатларида белгиланган тартибда киритилиши мумкин.

3.3 Акциядорларнинг умумий йиғилишида иштирок этиш хуқуқи акциядор томонидан шахсан ёки унинг вакили орқали амалга оширилади. Давлат вакилининг акциядорларнинг умумий йиғилишида иштирок этиш хуқуқи шахсан унинг ўзи томонидан амалга оширилади.

3.4 Акциядор акциядорларнинг умумий йиғилишидаги ўз вакилини исталган вақтда алмаштиришга ёки йиғилишда шахсан ўзи иштирок этишга ҳақлидир.

3.5 Акциядорнинг вакили акциядорларнинг умумий йиғилишида ёзма шаклда тузилган ишончнома асосида иш юритади. Овоз беришга доир ишончномада ваколат берган ва вакил қилинган шахс тўғрисидаги маълумотлар (исми-шарифи ёки номи, яшаш жойи ёки жойлашган ери, паспортига оид маълумотлар) бўлиши лозим. Жисмоний шахс номидан берилган овоз беришга доир ишончнома нотариал тартибда тасдиқланган бўлиши керак. Юридик шахс номидан овоз беришга доир ишончнома унинг раҳбарининг имзоси ва ушбу юридик шахснинг муҳри билан тасдиқланган ҳолда берилади.

IV. ЖАМИЯТ УМУМИЙ ЙИФИЛИШИННИГ КУН ТАРТИБИГА ТАКЛИФЛАР КИРИТИШ

4.1. Жамият овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) жамиятнинг молия йили тугаганидан кейин **90 (тўқсон)** кундан кечиктирмай акциядорларнинг йиллик умумий йиғилиши кун тартибига масалалар киритишга ҳамда жамият кузатув кенгаши ва тафтиш комиссиясига (тафтишчилигига) бу органнинг миқдор таркибидан ошмайдиган тарзда номзодлар кўрсатишга ҳақли. Шунингдек, Акциядорлар (акциядор) жамият кузатув кенгаши ва тафтиш комиссиясига (тафтишчилигига) ўзлари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартишлар киритишга ҳақли.

4.2. Акциядорлар умумий йиғилишининг кун тартибига масала уни қўйиш сабаблари, масалани киритаётган акциядорларнинг (акциядорнинг) исми-шарифи (номи), уларга тегишли акцияларнинг сони ва тури кўрсатилган ҳолда ёзма шаклда киритилади.

4.3. Жамият кузатув кенгашига ва тафтиш комиссиясига (тафтишчилигига) номзодлар кўрсатиш тўғрисида таклифлар киритилганда, шу жумладан ўзини ўзи номзод қилиб кўрсатилган тақдирда номзоднинг исми-шарифи, унга тегишли акцияларнинг сони ва тури (агар номзод жамият акциядори бўлса), шунингдек номзодни кўрсатаётган акциядорларнинг исми-шарифи (номи), уларга тегишли акцияларнинг сони ва тури кўрсатилади.

4.4. Жамиятнинг кузатув кенгаши тушган таклифларни қўриб чиқиши ҳамда 4.1 бандида белгиланган муддат тугаганидан сўнг ўн кундан кечиктирмай уларни акциядорларнинг умумий йиғилиши кун тартибига киритиш тўғрисида ёки мазкур кун тартибиغا киритишни рад этиш ҳақида қарор қабул қилиши шарт. Акциядорлар (акциядор) томонидан киритилган масала акциядорлар умумий йиғилишининг кун тартибига, худди шунингдек кўрсатилган номзодлар жамиятнинг кузатув кенгашига ва тафтиш комиссиясига (тафтишчилигига) сайлов бўйича овоз бериш учун номзодлар рўйхатига киритилиши керак, куйидаги ҳоллар бундан мустасно:

4.5. Ушбу Низомнинг 4.1. бандида белгиланган муддатга акциядорлар (акциядор) томонидан риоя этилмаган бўлса;

- акциядорлар (акциядор) ушбу Низомнинг 4.1 бандида назарда тутилган миқдордаги овоз берувчи акцияларининг эгаси бўлмаса;

4.6. Ушбу Низомнинг 4.1. бандида назарда тутилган маълумотлар тўлиқ бўлмаса;

- таклифлар ушбу Қонун талабларига мувофиқ бўлмаса.

4.7. Жамият кузатув кенгашининг масалани акциядорлар умумий йиғилишининг кун тартибига ёки номзодни жамият кузатув кенгашига ва тафтиш комиссиясига (тафтишчилигига) сайлов бўйича овоз бериш учун номзодлар рўйхатига киритишни рад этиш тўғрисидаги асослантирилган қарори масалани киритган ёки тақлиф тақдим этган акциядорларга (акциядорга) қарор қабул қилинган кундан эътиборан уч иш кунидан кечиктирмай юборилади.

4.8. Жамият кузатув кенгашининг масалани акциядорлар умумий йиғилишининг кун тартибига ёки номзодни жамият кузатув кенгашига ва тафтиш комиссиясига (тафтишчилигига) сайлов бўйича овоз бериш учун номзодлар рўйхатига киритишни рад этиш тўғрисидаги қарори устидан судга шикоят қилиниши мумкин.

V. АКДИЯДОРЛАРНИНГ ЙИЛЛИК УМУМИЙ ЙИҒИЛИШНИ ЎТКАЗИШГА ТАЙЁРГАРЛИК КУРИШ

5.1 Акциядорларнинг умумий йиғилишини ўтказишга тайёргарлик кўрилаётганда жамиятнинг кузатув кенгаши, ушбу Низомнинг 6.7 бандида назарда тутилган ҳолларда эса, умумий йиғилиши чакиравчи шахслар қўйидагиларни белгилайди:

- умумий йиғилиш ўтказиладиган сана, вақт ва жойни;
- умумий йиғилишнинг кун тартибини;
- умумий йиғилиш ўтказиш учун жамият акциядорларининг реестри шакллантириладиган санани;

- умумий йиғилиш үтказилиши ҳақида акциядорларга ва давлат вакилига хабар қилиш тартибини;
- умумий йиғилишни үтказишга тайёргарлик кўрилаётганда акциядорларга ва давлат вакилига тақдим этиладиган ахборот (материаллар) рўйхатини;
- овоз бериш бюллетенининг шакли ва матнини.

5.2 Аниқ масала қўйилишини акс эттирмайдиган таърифларнинг (шу жумладан, «турли масалалар», «бошқа масалалар», «ўзга масалалар» ва шу сингари таърифларнинг) акциядорларнинг умумий йиғилиши кун тартибига киритилишига йўл қўйилмайди.

5.3 Акциядорларнинг умумий йиғилиши үтказиладиган сана уни үтказиш тўғрисида қарор қабул қилинган кундан эътиборан ўн кундан кам ва ўттиз кундан кўп этиб белгиланиши мумкин эмас.

5.4. Акциядорларнинг умумий йиғилишини үтказишга тайёргарлик кўрилаётганда акциядорларга тақдим этилиши лозим бўлган ахборотга (материалларга) жамиятнинг йиллик хисоботи, жамиятнинг йиллик молия-хўжалик фаолиятини текшириш натижалари юзасидан жамият тафтиш комиссиясининг (тафтишчисининг) ва аудиторлик ташкилотининг хulosаси, шунингдек жамиятнинг кузатув кенгashi ҳамда тафтиш комиссияси аъзолигига (тафтишчилигига) номзодлар тўғрисидаги маълумотлар, жамиятнинг уставига киритиладиган ўзгартиш ва қўшимчалар лойиҳаси ёки жамиятнинг янги таҳрирдаги устави лойиҳаси киради.

5.5. Акциядорларнинг умумий йиғилишини үтказишга тайёргарлик кўрилаётганда акциядорларга ва давлат вакилига тақдим этилиши мажбурий бўлган қўшимча ахборотнинг (материалларнинг) рўйхати қимматли қоғозлар бозорини тартибга солиш бўйича ваколатли давлат органи томонидан белгиланиши мумкин.

VI. АКЦИЯДОРЛАРНИНГ НАВБАТДАН ТАШҚАРИ УМУМИЙ ЙИҒИЛИШИНИ ҮТКАЗИШГА ТАЙЁРГАРЛИК КЎРИШ

6.1 Акциядорларнинг навбатдан ташқари умумий йиғилиши жамият кузатув кенгашининг қарорига кўра унинг ўз ташаббуси асосида, тафтиш комиссиясининг (тафтишчининг) ёзма талаби, шунингдек ёзма талаб тақдим этилган санада жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талаби асосида үтказилади.

6.2 Жамият тафтиш комиссиясининг (тафтишчисининг) ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талабига кўра акциядорларнинг навбатдан ташқари умумий йиғилишини чақириш акциядорларнинг навбатдан ташқари умумий йиғилишини үтказиш ҳақида ёзма талаб тақдим этилган кундан эътиборан ўттиз кундан кечиктирмай жамиятнинг кузатув кенгashi томонидан амалга оширилади.

6.3 Акциядорларнинг навбатдан ташқари умумий йиғилишини үтказиш тўғрисидаги талабда йиғилиш кун тартибига киритилиши керак бўлган масалалар уларни киритиш сабаблари кўрсатилган ҳолда таърифланган бўлиши керак.

6.4 Жамиятнинг кузатув кенгashi жамият тафтиш комиссиясининг (тафтишчисининг) ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра чақириладиган акциядорларнинг навбатдан ташқари умумий йиғилиши кун тартибидаги масалаларнинг таърифига ўзгартишлар киритишга ҳақли эмас.

6.5 Акциядорларнинг навбатдан ташқари умумий йиғилишини чақириш тўғрисидаги талаб акциядордан (акциядорлардан) чиқсан тақдирда, бу талабда умумий йиғилишни чақиришни талаб қилаётган акциядорнинг (акциядорларнинг) исми-шарифи (номи), унга тегишли акцияларнинг сони, тури кўрсатилган бўлиши лозим.

Акциядорларнинг навбатдан ташқари умумий йиғилишини чақириш тўғрисидаги талаб акциядорларнинг навбатдан ташқари умумий йиғилишини чақиришни талаб қилган шахс (шахслар) томонидан имзоланади.

6.6 Жамиятнинг тафтиш комиссияси (тафтишчиси) ёки жамият овоз берувчи акцияларининг камида беш фоизига эгалик қилувчи акциядор (акциядорлар) акциядорларнинг навбатдан ташқари умумий йиғилишини чақириш тўғрисида талаб тақдим этган санадан эътиборан ўн кун ичida жамият кузатув кенгashi акциядорларнинг навбатдан ташқари умумий

йиғилишини чақириш тұғрисида ёки йиғилишни чақиришни рад этиш ҳақида қарор қабул қилиши керак.

Жамият тафтиш комиссиясининг (тафтишчисининг) ёки жамият овоз берувчи акцияларининг камида беш фоизига әгалик қылувчи акциядорнинг (акциядорларнинг) талабиға күра акциядорларнинг навбатдан ташқари умумий йиғилишини чақиришни рад этиш тұғрисидаги қарор қуидаги ҳолларда қабул қилиниши мүмкін, агар:

- акциядорларнинг навбатдан ташқари умумий йиғилишини чақиришни талаб қилаётган акциядор (акциядорлар) 6.1 бандида назарда тутилған міндердегі жамият овоз берувчи акцияларининг әгаси бўлмаса;
- кун тартибиға киритиш учун таклиф этилған масалалардан бирортаси ҳам акциядорлар умумий йиғилишининг ваколат доирасига кирмаса;
- кун тартибиға киритиш учун таклиф этилған масала ушбу Қонун талабларига мувофиқ бўлмаса.

6.7 Жамият кузатув кенгашининг акциядорларнинг навбатдан ташқари умумий йиғилишини чақириш тұғрисидаги қарори ёки бундай йиғилишни чақиришни рад этиш ҳақидағы асослантирилған қарори йиғилиш чақиришни талаб қилған шахсларга қарор қабул қилинган пайтдан эътиборан уч иш кунидан кечиктирмай юборилади.

Жамият кузатув кенгашининг акциядорларнинг навбатдан ташқари умумий йиғилишини чақиришни рад этиш тұғрисидаги қарори устидан судга шикоят қилиниши мүмкін.

Жамият кузатув кенгаши ушбу Қонунда белгиланған муддат ичіда акциядорларнинг навбатдан ташқари умумий йиғилишини чақириш тұғрисида қарор қабул қилмаган тақдирда ёки уни чақиришни рад этиш ҳақида қарор қабул қилған тақдирда, акциядорларнинг навбатдан ташқари умумий йиғилиши уни чақиришни талаб қилған шахслар томонидан чақирилиши мүмкін.

Бундай ҳолларда акциядорларнинг умумий йиғилишига тайёргарлик күриш ва уни ўтказиш билан боғлиқ харажатларнинг ўрни акциядорлар умумий йиғилишининг қарорига күра жамиятнинг маблағлари хисобидан қопланиши мүмкін.

VII. УМУМИЙ ЙИҒИЛИШ КВОРУМИ

7.1 Агар акциядорларнинг умумий йиғилишида иштирок этиш учун рўйхатдан ўтказиш тугалланған пайтда жамиятнинг жойлаштирилған овоз берувчи акцияларининг жами эллик фоизидан кўпроқ овозига эга бўлған акциядорлар (уларнинг вакиллари) рўйхатдан ўтган бўлса, акциядорларнинг умумий йиғилиши ваколатли (кворумга эга) бўлади.

7.2 Акциядорларнинг умумий йиғилишини ўтказиш учун кворум бўлмаса, акциядорларнинг тақорорий умумий йиғилишини ўтказиш санаси эълон қилинади. Акциядорларнинг тақорорий умумий йиғилишини ўтказишда кун тартибини ўзgartаришишга йўл қўйилмайди.

Агар акциядорларнинг ўтказилмай қолған йиғилиши ўрнига чақирилған тақорорий умумий йиғилишида иштирок этиш учун рўйхатдан ўтказиш тугалланған пайтда жамиятнинг жойлаштирилған овоз берувчи акцияларининг жами кирқ фоизидан кўпроқ овозига эга бўлған акциядорлар (уларнинг вакиллари) рўйхатдан ўтган бўлса, акциядорларнинг тақорорий умумий йиғилиши ваколатли бўлади.

7.3 Акциядорларнинг тақорорий умумий йиғилишини ўтказиш тұғрисида хабар қилиши “Акциядорлик жамиятлари ва акциядорларнинг хукуқларини ҳимоя қилиш тұғрисида”ги Қонуннинг 62-моддасида назарда тутилған муддатларда ва шаклда амалга оширилади.

7.4 Кворум бўлмаганлиги сабабли акциядорларнинг умумий йиғилишини ўтказиш санаси йигирма кундан кам муддатга қўчирилған тақдирда, умумий йиғилишда иштирок этиш хукуқига эга бўлған акциядорлар ўтказилмай қолған умумий йиғилишда иштирок этиш хукуқига эга бўлған акциядорларнинг реестрига мувофиқ аниқланади.

7.5 Акциядорларнинг умумий йиғилишида овоз бериш «жамиятнинг овоз берувчи битта акцияси — битта овоз» принципи бўйича амалга оширилади, жамиятнинг кузатув

кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно.

VIII.УМУМИЙ ЙИГИЛИШНИНГ ИШЧИ ОРГАНЛАРИ

8.1. Куйидагилар умумий йигилиш органлари хисобланади: Раёсат, саноқ комиссияси, котиб (котибият).

8.2. Акциядорлар Умумий йигилиши раёсати ва раиси Акциядорлар умумий йигилишида сайланади. Бунда Акциядорлар умумий йигилиши президиуми таркибига лавозимига кўра Кузатувчи кенгаш раиси киради.

8.3. Акциядорлар умумий йигилиши раиси йигилиш раёсатига бошчилик қилади, йигилиш олиб борилишини таъминлайди ва бунинг учун уз вазифаларини зарур тартибда бажарилиши учун зарур булган барча ваколатларга эга булади.

8.4. Умумий йигилиш раиси, йигилишни боришига раҳбарлик қилади, умумий йигилиш ишчи органлари шуни мувофикаштиради, масалаларни мухокама қилиш тартибини белгилайди, маъruzачиларнинг нутқ сўзлашлари вақтини чегаралайди, йигилишни олиб бориш ва овоз бериш давомида тушунтиришлар беради, залда тартиб ўрнатилишини таъминлайди.

8.5. Умумий йигилиш раиси умумий йигилиш баёни ва қарорини имзолайди.

8.6. Овозларни санаб чиқиш, акциядорларнинг умумий йигилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан саноқ комиссияси тузилиб, унинг аъзолари сони ва шахсий таркиби акциядорларнинг умумий йигилиши томонидан тасдиқланади.

8.7. Саноқ комиссиясининг таркиби камида уч кишидан иборат бўлиши керак. Саноқ комиссияси таркиби жамият кузатув кенгашининг аъзолари, тафтиш комиссиясининг аъзолари (тафтищиси), жамият директори, ишончли бошқарувчи, шунингдек ана шу лавозимларга номзоди кўрсатилган шахслар кириши мумкин эмас.

8.8. Акциядорлар умумий йигилишида овоз бериш «жамиятнинг бир овоз берувчи акцияси 1 овоз» принципи бўйича амалга оширилади (жамият кузатувчи кенгаши аъзолари сайловлари бўйича номзодлар сонига қараб, қанча бўлса шунча овоз берилган ҳоллар ва қонун хужжатларида назарда тутилган бошқа ҳоллардан ташқари).

8.9. Овоз бериш бюллетенлари орқали амалга ошириладиган овоз беришда овозлар овоз берувчиларга овоз беришнинг эҳтимол тутилган варианtlаридан фақат биттаси қолдирилган масалалар бўйича хисобланади. Юқорида кўрсатилган талаб бузилган ҳолда тўлдирилган овоз бериш бюллетенлари ҳақиқий эмас деб хисобланади ва ундаги мавжуд масалалар бўйича овозлар хисобланмайди.

8.10. Агар овоз бериш бюллетенида овоз беришга қўйилган бир неча масала мавжуд бўлса, юқорида кўрсатилган талаб бир ёки бир неча масалага нисбатан риоя қилинmasлиги овоз бериш бюллетенининг умуман ҳақиқий эмаслиги тан олинишига олиб келмайди.

8.11. Саноқ комиссияси ўзига юклangan вазифаларни бажариш масаласида мустақил иш кўрувчи йигилишнинг ишчи органи ҳисобланади ва кузатувчи кенгашининг таклифига кўра акциядорлар умумий йигилиши томонидан сайланади.

8.12. Саноқ комиссияси ваколатларининг муддати у акциядорлар умумий йигилиши томонидан сайланган пайтдан бошлаб акциядорларнинг тегишли йигилиши (йиллик ёки навбатдан ташқари) томонидан саноқ комиссиясининг янги таркиби сайланиши (ёки қайта сайланиши) пайтигача ҳисобланади.

8.13. Акциядорлар умумий йигилишини ўтказишга тайёргарлик қўриш пайтида саноқ комиссияси кузатувчи кенгашининг топшириғига кўра қуйидаги функцияларини амалга оширади:

- Акциядорлар умумий йигилишида қатнашиш ҳуқуқига эга бўлган акциядорлар рўйхатини тузади;
- овоз бериш бюллетенларини ва умумий йигилишнинг бошқа материалларини беради ва юборади, берилган (юборилган) бюллетенлар ҳисобини олиб боради.

8.14. Акциядорлар умумий йигилишида акциядорларнинг олдинги умумий йигилиши томонидан сайланган саноқ комиссияси қуйидаги функцияларни амалга оширади:

- Умумий йигилишда қатнашиш учун акциядорларни (уларнинг вакилларини) рўйхатдан ўтказади;

- ишончномалар ва улар томонидан бериладиган ҳуқуқлар ҳисобини юритади;
- овоз бериш бюллетенларини ва умумий йиғилишнинг бошқа ахбороти (материаллари)ни беради;
- Акциядорлар умумий йиғилиши кворуми мавжудлигини белгилайди.

8.15. Таркиби бўлиб ўтаётган акциядорлар умумий йиғилиши давомида тасдиқланган саноқ комиссияси:

- Акциядорлар умумий йиғилиши кворуми мавжудлигини аниқлайди;
- акциядорлар (уларнинг вакиллари) томонидан Умумий йиғилишда овоз бериш ҳуқуқини амалга ошириш муносабати билан пайдо бўлувчи масалаларни тушунтиради;
- овоз беришга қўйилаётган масалалар бўйича овоз бериш тартибини тушунтиради;
- овоз беришнинг белгиланган тартибини ва акциядорларнинг овоз беришда қатнашиши ҳуқуқини таъминлайди;
- овозларни санайди ва овоз бериш якунларини чиқаради;
- овоз бериш якунлари тўғрисида баён тузади;
- овоз бериш бюллетенларини архивга топширади.

8.16. Акциядорларнинг умумий йиғилишида кун тартиби масалалари бўйича овоз бериш, овоз бериш бюллетенлари орқали амалга оширилади.

8.17. Овоз бериш бюллетенларининг шакли ва матни жамиятнинг кузатув кенгаши томонидан тасдиқланади, акциядорларнинг навбатдан ташқари умумий йиғилиши жамият кузатув кенгаши томонидан чақирилмаган ҳоллар бундан мустасно. Овоз бериш бюллетени умумий йиғилишда иштирок этиш учун рўйхатдан ўтган акциядорга (унинг вакилига) берилади. Акциядорлар умумий йиғилишида иштирок этган шахслар хисобидан улар томонидан тўлдирилган овоз бериш бюллетенларини нусха қилиб берилиши мумкин.

8.18. Овоз бериш бюллетенида: жамиятнинг тўлиқ фирма номи, акциядорлар умумий йиғилишини ўтказиш санаси, вақти ва жойи, овоз беришга қўйилган ҳар бир масаланинг таърифи ва уни кўриб чиқиш навбати, овоз беришга қўйилган ҳар бир масала бўйича «ёқлайман», «қаршиман» ёки «бетарафман» деган мазмундаги сўзлар билан ифодаланган овоз бериш варианtlари кўрсатилган бўлиши (бундан овоз беришга қўйилган масалага «ёқлайман» деган мазмундаги сўз билан ифодаланадиган кумулятив овоз бериш мустасно), овоз бериш бюллетени акциядор (унинг вакили) томонидан имзоланиши лозимлиги тўғрисидаги кўрсатма бўлиши керак.

Жамиятнинг кузатув кенгаши ёки тафтиш комиссияси аъзосини (тафтишчисини) сайлаш тўғрисидаги масала юзасидан овоз бериш ўтказилган тақдирда, овоз бериш бюллетенида номзод тўғрисидаги маълумотлар, унинг фамилияси, исми, отасининг исми кўрсатилиши лозим.

8.19. Умумий йиғилиш котибиятининг сон ва шахсий таркиби акциядорлар умумий йиғилиши томонидан тасдиқланади.

8.20. Умумий йиғилиш котибияти:

- умумий йиғилишнинг боришини баёнга қайд қилиб боради;
- ёзма буюртманомалар бўйича йиғилиш кун тартиби масалаларини мухокама қилишда қатнашиш истагини билдирувчилар рўйхатини олиб боради;
- умумий йиғилиш тамом бўлгандан сўнг 10 кундан кечикмай акциядорлар умумий йиғилиши баёнидан икки нусхада тузади.

IX. АКЦИЯДОРЛАР УМУМИЙ ЙИҒИЛИШИ БАЁНИ

9.1 Акциядорлар умумий йиғилишининг баённомаси акциядорларнинг умумий йиғилиши ёпилганидан кейин ўн кундан кечиктирмай икки нусхада тузилади. Ҳар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

9.2 Акциядорлар умумий йиғилишининг баённомасида:

- акциядорларнинг умумий йиғилиши ўтказилган сана, вақт ва жой;
- жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони;

- умумий йиғилишда иштирок этган акциядорлар эга бўлган овозларнинг сони;
- умумий йиғилишнинг раиси (раёсати) ва котиби, йиғилиш кун тартиби кўрсатилади.

Акциядорлар умумий йиғилишининг баённомасида маърузаларнинг асосий коидалари, овозга қўйилган масалалар ҳамда улар юзасидан ўтказилган овоз бериш якунлари, йиғилиш қабул қилган қарорлар кўрсатилиши лозим.

9.3. Акциядорлар умумий йиғилиши баёни акциядорлар умумий йиғилиши раиси ва котиби томонидан имзоланади.

Х. АКЦИЯДОРЛАР УМУМИЙ ЙИҒИЛИШИ ҚАРОРЛАРИНИ БАЖАРИШ

10.1. Акциядорлар умумий йиғилиши қарорлари бажарилиши устидан назорат қилишни, башарти йиғилиш қарорида ўзгача хол кайд этилмаган бўлса ва баёнда акс эттирилмаган бўлса, жамият кузатув кенгаши томонидан амалга оширилади.

10.2. Акциядорлар умумий йиғилишнинг қарорлари, умумий йиғилишда хозир бўлган, шунингдек хозир бўлмаган барча акциядорлар томонидан уларга тегишли қисми бўйича бажарилиш мажбурийдир.

Акциядорларнинг умумий йиғилиши
тўғрисидаги низомга

1-ИЛОВА

**акциядорлик жамияти акциядорларининг _____ йил _____ да
ўтказиладиган**

**Умумий йиғилишининг Қайд қилиш
РЎЙХАТИ**

Т/п	Акциядор фамилияси, исми, отасининг исми (номи)	Овоз берувчи акциялар сони	Акциядор имзоси	(вакил бор бўлса тўлдирилади)				
				Вакил фамилияси, исми, отасининг исми (номи)	Ишончнома раками	Ишончнома берилган сана	Овоз берувчи акциялар сони	Вакил имзо
1	2	3	4	5	6	7	8	9

Умумий йиғилишнинг барча рўйхатдан ўтказилган қатнашчилари киши_____, овоз берувчилар

Кворум мавжудлиги (овоз берувчи акцияларнинг умумий сонидан фоизларда) ____%.

Саноқ комиссия аъзолари: _____ Ф.И.Ш.

(имзо)

Ф.И.Ш.

(имзо)

Ф.И.Ш.

(имзо)

Акциядорларнинг умумий йиғилиши
тўғрисидаги низомга

2-ИЛОВА

йил «__» _____ да

акциядорларнинг йиллик (навбатдан ташқари) умумий йиғилишида овоз бериш учун

АЖнинг____та

овоз берувчи акцияларига эгалик қилувчи _____ нинг

Ф.И.Ш.

-сон* БЮЛЛЛЕТЕНИ

Умумий йиғилиш ўтказилган вақт ____:

Кун тартибидаги масалалар бўйича овоз беришда “тарафдор”, “Қарши” ёки “Бетараф” вариантиларидан биттасини танлаш керак (вариантни танлаш усули: X, √ ёки муайян катакка овозлар сонини ёзиш керак), кузатув кенгаши аъзоларини сайлаш масаласи бўйича овоз бериш ҳоллари бундан мустасно.

(овозлар сони)

№	Кун тартибидаги масала	Тарафдорлар	Қаршилар	Бетарафлар
1.				
2.				
3.				

Кузатув кенгаши аъзоларини кумулятив усулда сайланади бунда, Кумулятив овоз беришда ҳар бир акциядорга тегишли овозлар сони жамиятнинг кузатув кенгашига сайланиши лозим бўлган шахслар сонига яъни _____ га кўпайтирилади ва акциядор шу тариқа олинган овозларни битта номзодга тўлиқ беришга ёки икки ва ундан ортиқ номзодлар ўртасида тақсимлашга ҳақли.

№	Овоз беришга кўйилган масаланинг таърифи:		Тарафдор (Кузатув кенгаши таркиби номзодига берилган овозлар сони)
	Кузатув кенгаши таркиби номзодининг Ф.И.Ш.	Кузатув кенгашига номзод тўғрисидаги маълумотлар (Қаерда ва ким бўлиб ишлайди)	

Фамилияси, исми ва отасининг исмининг бош ҳарфлари _____

(имзо)

* Қайд этиш рўйхати бўйича акциядорнинг рақами кўрсатилади.

**Акциядорларнинг умумий йиғилиши
тўғрисидаги низомга
З-ИЛОВА
БИЛДИРИШНОМА**

Хурматли _____
манзилида жойлашган _____ АЖ, телефон _____,
Сизга 20 _____ соат _____ минутда _____ манзилида жойлашган
акциядорлик жамиятимиз акциядорларининг йиллик (навбатдан ташқари) йиғилиши бўлиши
хақида маълум қиласди.

Умумий йиғилишда қатнашиш ҳуқуқига эга бўлган акциядорлар рўйхати 20____йил
даги холатига кўра тузилади.

Умумий йиғилишда иштирок этувчи акциядорларни рўйхатга олиш соат ____ : ____ да бошланади
ва соат ____ : ____ гача давом этади.

Кун тартибига қуйидаги масалалар киритилган:

- 1.
- 2.

3.

...

Акциядорларнинг умумий йиғилиши ўтказилишига тайёргарлик кўриш даврида Сиз акциядорлар умумий йиғилишининг қуидаги материаллари билан танишишингиз мумкин:

1.

2.

3.

...

Умумий йиғилишда иштирок этиш учун, акциядорда паспорт ёки бошқа шахсини тасдиқловчи хужжат бўлиши керак, акциядорларнинг вакиллари белгиланган тартибда расмийлаштирилган ишончнома билан келиши шарт. (жисмоний шахслар учун – нотариал тасдиқланган ишончнома, юридик шахслар учун – мазкур юридик шахс томонидан берилган ишончнома иштирок этиши шарт)

«_____» АЖ Кузатувчи кенгаши.

Акциядорларнинг умумий йиғилиши
тўғрисидаги низомга
4-ИЛОВА

«_____» АЖ

Акциядор _____ нинг Акциядорлар умумий йиғилиши кун тартибига масалани
киритиш тўғрисидаги таклифи

Талабнинг мазмуни (таклиф)

Кузатув кенгаши таркибига таклиф қилинаётган номзодлар (Ф.И.Ш., иш жойи, лавозими, номзодга тегишли бўлган турига бўлинган ҳолда АЖ акциялари сони):

Тафтиш комиссияси таркибига таклиф қилинаётган номзодлар (Ф.И.Ш., иш жойи, лавозими, номзодга тегишли бўлган турига бўлинган ҳолда АЖ акциялари сони):

Ижроия органи таркибига таклиф қилинаётган номзодлар (Ф.И.Ш., иш жойи, лавозими, номзодга тегишли бўлган турига бўлинган ҳолда АЖ акциялари сони):

Жами акциялар сони _____
Шундан:

_____дона оддий.

_____дона имтиёзли.

Мазкур ____дона овоз берувчи акция, жамият устав фондига нисбатан ____% ни ташкил этади.

Ф.И.О. _____

(имзо, сана)

Акциядорларнинг умумий йиғилиши
тўғрисидаги низомга
5-ИЛОВА

« _____ » АЖ

Акциядор _____ нинг (агар навбатдан ташқари умумий йиғилиш тафтиш комиссияси талаби билан чақирилса, мазкур бандга ушбу кўрсатилади) акциядорларнинг навбатдан ташқари Умумий йиғилишини чақириш ҳақидаги

ТАЛАБИ

Жами акциялар сони _____ (акциядор томонидан талаб тақдим этилган ҳолларда)
Шундан:

_____дона оддий.
_____дона имтиёзли.

Мазкур ____дона овоз берувчи акция, жамият устав фондига нисбатан ____% ни ташкил этади.

Талабнинг мазмуни (акциядорларнинг навбатдан ташқари йиғилиши чақирилишининг сабаби)

Акциядорларнинг умумий йиғилишига киритилиши лозим бўлган масаланинг таърифи (киритилиш сабабини кўрсатган ҳолда):

Кузатув кенгаши таркиби тақлиф қилинаётган номзодлар (Ф.И.Ш., иш жойи, лавозими, номзодга тегишли бўлган турига бўлинган ҳолда АЖ акциялари сони):

Ф.И.О. _____

(имзо, сана)